

劇目：假紙

編劇：張名熹 老師

學校：香港兆基創意書院

第一場

1. 醫 黃小姐，又係你。
2. 黃 陳醫生，又係你。
3. 醫 你又一至五嚟我咪又喺度囉，我返一至五啫。同你一樣。
4. 黃 醫生你唔係唔知我份工幾大壓力㗎啦，一大壓力又胃痛，胃痛又返唔到工喇……
5. 醫 非常明白。
(一靜)
6. 醫 咁今日有咩唔舒服？
7. 黃 胃痛。
8. 醫 (邊寫邊說) 嗯，今日假紙再加啲止痛藥啦都係。
9. 黃 醫生。
10. 醫 係。
11. 黃 今次我真係唔舒服。
12. 醫 你每次都係咁講，我明白嘅。
13. 黃 唔係，今次唔同上一次、再上一次、之前咁多次，今次我係真係好唔舒服，我病，所以我嚟睇醫生，係咪講過一次大話就唔值得被信任？今日我已經搭緊車返公司，但搭搭下我個胃真係好痛，係前所未有咁痛，原來胃痛係咁痛，痛到上心口，個心都痛埋一份，我唔知我要點你先肯信我，醫生，(欲哭) 我真係唔係嚟呢假紙……
14. 醫 黃小姐唔好意思，我唔係呢個意思。聽你咁講可能係有少少胃酸倒流，或者係胃出血、胃潰瘍，最近夜唔夜瞓啊？
15. 黃 六七點。
16. 醫 咁好早喎，食埋晚飯？
17. 黃 朝早六七點。

18. 醫 你係……失眠？
19. 黃 係呀……
20. 醫 嗯，睇怕都真係太大壓力。係咪食無定時？
21. 黃 係……
22. 醫 （取聽筒並戴上）好，等我聽聽，吸、呼、吸、呼、吸、呼。（收起聽筒，取出雪條木棍及電筒）喺伸條脷出嚟睇睇先，「啊」。
23. 醫 咁睇就無乜大礙。（邊寫邊說）開啲特效胃藥俾你，三餐盡量食得定時啲，唔好咁夜瞓，啊，唔好飲咁多咖啡，有壓力在所難免嘅，放工返到屋企就唔好諗工作啦，做下運動啊聽下歌放鬆下，啊，開少少安眠藥俾你。嗯，開五日藥俾你，食咗睇下有無好啲，無乜改善可能會寫封轉介信俾你去照一照胃鏡。
24. 黃 唔該醫生。
25. 醫 可以出去坐坐等攞藥。
26. 黃 醫生，咁可唔可以開兩日假紙俾我？
- （完）